

Universitätsbibliothek Wuppertal

Epistolæ obscurorum virorum

cvm inlvstrantibvs adversariisqve scriptis

Textvs

Hutten, Ulrich von

Lipsiæ, 1864

35. Magister Wilhelmus Lamp

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-976](https://nbn-resolving.org/urn:nbn:de:hbz:468-1-976)

librum". Tunc dixi: „Quid facitis ergo desuper? Non vultis vindicare vos?" Respondit „Nullo modo. sed sum satis vindicatus. Ego nunc non curo amplius istam stulticiam, sed vix habeo satis oculos ad studendum ea quę sunt mihi utilia". Fuit autem talis liber intitulus „Defensio Iohannis Pfefferkorn contra famosas". Aliud non scio de doctore Reuchlin'. Talia dixit predictus bacularius. Ergo, domine Ortvine, habeatis bonam Confidentiam. Quia si ille habet malos oculos quod non potest amplius multum legere aut scribere, suum damnum, Vos autem non debetis quiescere, sed debetis recenter scribere contra eum. Valet. Datum Ulmę.

35.

Magister Wilhelmus Lamp

Magistro Ortvino Gratio

Salutem.

Eximie et promotoriali reverentia celeberrime vir. Vos scripsistis mihi qualiter litera mea quam composui vobis de ambulatione mea ad Curiam, fuit vobis presentata. Et scribitis quod potestis exinde notare quod diligo vos valde. Et bene scribitis talia: sunt etenim vera. Quia vos estis mihi in corde et ego amo vos cordialiter. Sed etiam scribitis mihi quod debeo vobis intimare seu declarare quomodo transit mihi pronunc. Scitis quod sum apud unum Notarium Rotę et habeo parare mensam, et ire ad forum pro comparando herbas et fabas et panes et carnes et talia, et facere domum in ordine, quando dominus venit ex audientia et commensales sui, quod omnia sunt parata. Et cum hoc etiam studeo. Et dominus meus nuper dixit mihi, quod per deum quando sto unum annum vel duos secum, ipse vult mihi iuvare ad unum beneficium, sicut prius iuavit multis. Et est bene credendum, quia amat me multum. Et precipue nuper quando vidit quod sum poeta, tunc dixit quod vult me semper amantius habere. Et factum est ita: Est unus ex commensalibus qui est poeta in ista poetria nova, et semper in mensa loquitur de poesi, et multum reprehendit illos antiquos patres et grammaticos, Alexandrum, Grecistam, Verba deponentalia, Remigium et alios. Et nuper dixit quod aliquis volens discere bona Carmina facere, debet scire Diomedem: et dixit multa de tali Diomede. Respondi ego miror quomodo tamen venistis super illos novos grammaticos, et tamen habetis omnia metrice in tertia parte Alexandri de pedibus et quantitibus syllabarum, et artem scan-

³ stultitiā 5. ⁵ reuch. 5. ⁶ baccalarius 5. ⁷ multum om. 5. ⁹ Va. Da. Ulmę. 5.¹¹ M. 4. 5. ¹² M. 4. 5. ¹³ S. 4. Salu. 5. ¹⁵ michi 5. septiens in hac ep.lra 5. lit. mea] i. e. sup. n. 12. ¹⁷ sunt omis. 5. ¹⁹ Intimare 4. ²¹ Carnes 4.²⁸ Amātius 4. ³⁰ Alexandrum Grecistā 4. Alexandrū Grecistā 5. ³³ ego Miror 4.

dendi et cetera. Et cum hoc iste Diomedes non fuit bonus Christianus. Quia legi semel qualiter ipse habuit Equos qui comederunt homines, et ipse dedit eis comedere homines'. Tunc ille Curtisanus multum risit et subsannavit me. Et postea dixit, quod debeo ei dicere quomodo Abacuck habet primam syllabam. Respondi: 'ego distinguo. Quia prout est pro-⁵prium, habet primam indifferentem secundum Alexandrum:

„Ad placitum poni propriorum multa notavi”.

sed prout queritur quantam habet primam naturaliter respiciendo ad naturas appellativorum, tunc habet primam brevem secundum Alexandrum dicentem quod a ante b in primis syllabis, exceptis excipiendis, est brevis'.¹⁰ Tunc ille adhuc magis derisit me et dixit 'Vade tu Coloniensis Copulata, cum tuo Alexandro, qui fuit asinus Parrhisiensis, sicut adhuc sunt plures'. Et sic multum scandalizans illum bonum Alexandrum abivit. Et dixi ego: 'Cras videbitis'. Et de mane portavi unum carmen quod compilavi per noctem in laudem Alexandri, et mitto vobis exemplum. Et¹⁵ quando dominus meus vidit illud Carmen, tunc laudavit me et dixit 'Iste socius est pro me'. Et dixit 'O Wilhelme, scis ita compilare metra? Ego ignoravi. Et propterea plus volo te diligere in posterum'. Et sic spero quod volo bene stare. Et quando vult dominus deus quod acquirō aliquid, tunc iterum volo me conferre ad partes, fiendo presbiter. Valete iugiter.²⁰ Datum Romane Curie.

¶ Metrum Epigrammaticum confectionatum per Wilhelmm Lamp Magistrum septem artium liberalium Coloniensem In laudem Alexandri Galli.

Qui vult discere grammaticam, legat Alexandri materiam,²⁵
 Quę est divisa in quattuor partes, docens multas bonas Artes,
 Prebens lac et mel pueris, sicut docet Glosa notabilis
 In Colonia facta: precipue quoad metra
 Collige partem tertiam: ipsa tollet tibi omnem inertiam,
 Sicut fecit mihi, qui multum ex hac didici.

¹ 2c. 5. ⁴ subsannavit 4. 5. ⁶ Alexan. 5. ¹¹ tu Colo. Copula ista 5. ¹² Alexan. 5.
¹³ alexan. 5. ²⁰ presbyter. 5. Valete. iugiter Datum. 5. ²³ M. 4. 5. Colonien. 5.
²⁴ Alexand. 5. ²⁵ . Legat pius alexandri materiam. 5. ²⁷ Lac et Mel 5. glosa 5.
²⁹ omnen 4.